

Messadi davart la fixaziun dil pei da taglia 2021

Preziau signur president dil parlament
Stimadas parlamentarias, preziai parlamentararis

Il davos onns era il tema davart in alzament dil pei da taglia adina puspei sin meisa. Quei muort in'atgna finanziaziun dallas investiziuns deficiente. El dentertemps han las finanzas dalla vischnaunca saviu vegnir stabilisadas, cun quei ch'ils cuosts en tut ils secturs, nua ch'il principi dil caschunader vala tenor lescha, han saviu vegnir resp. vegnan curclai il proxim temps cun taxas corrispundentas (aua, auas piarsas, rumien, ovras da meglieraziun). Medemamein gidau ha in svilup positiv dall'economia cun aultas entradas da taglia.

Arisguard il quen annual 2020 prevesiblamein solid, il preventiv 2021 ulivau, denton cunzun era arisguard la crisa da corona che munta ad ina gronda sfida per ils carstgauns e ch'ei colligiada cun ina gronda malsegirtad, vegn proponiu da restar tier il pei da taglia actual. Dil svilup dils onns suenter 2021 vegn la suprastanza communal a s'occupar, cura che l'actualisaziun dalla planisaziun da finanzas che vegn il mument elaborada ei avon maun. Cheu vala ei da tener en egl dad ina vart las consequenzas economicas e socialas dalla pandemia Covid-19, da l'autra vart il grond basegn d'investiziuns. Aschia vegn il svilup futur a vegnir influenzaus fermamein dallas entradas che vegnan a sesminuir muort las consequenzas dalla pandemia Covid-19.

Proposta

Sin fundament dallas explicaziuns precedentas fa la suprastanza communal la proposta da fixar il pei da taglia communal per la taglia sin entrada e facultad per igl onn 2021 sin 100 pertschien dalla taglia cantunala sempl.